



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola VII. Hadriani Papae IV. Ad Basilivm Archiepiscopvm
Thessalonicensem. Pro Graecorum concordia.

urn:nbn:de:hbz:466:1-15588

EPISTOLA VII.

HADRIANI PAPÆ IV.

AD BASILIVM ARCHIEPISCOPVM

THESSALONICENSEM.

Pro Græcorum concordia.

*Hadrianus episcopus seruus seruorum Dei venerando fratri
Theffalonicensum archiepiscopo salutem & apostolicam be-
neditionem.*

Ezech. 34. **E**x quo per inuidiam hostis antiqui Constantinopolitana sedes a sacrosancta Romana & apostolica (quod sine lacrymarum inundatione vix famur) ecclesia seipsum separauit, & hominis inimicus proprium malitiæ venenum effudit, & a matris obedientia liberi secesserunt, vnitatisque locum binarius subiit, labore multum & studium, qui nos præcesserunt beati Petri successores, adhibuerunt, vt schisma de medio tolleretur, & vnitati ecclesiæ qui se ab ea separarunt redderentur. Quamobrem & nos, qui hoc tempore apostolicæ sedis curam suscepimus, vt Deo placet, pro omnibus ecclesiis, quæ sunt intra terrarum orbem constitutæ, quamuis beati Petri virtutibus par nihil habeamus, ministerio tamen fungi cogimur. Ad id credidimus attendendum, ne connumeremur (quod absit) iis quos per prophetam Dominus reprehendit, dicens: *Quod electum est non introduxit, quod infirmum non sanauit, & quod periit non quaesiuit, & quod confractum non obligavit.* Ideoque ad introductionem liberorum in locum ecclesiæ & vnitatis, inuentionemque amissæ drachmæ properemus, & apostolico præcepto incitati in eos qui doctrinæ sermones aspernantur, vt persuasum habeamus, moderari, & fidelium admonitionem tempestiue intempestiue factam: & illius exemplo edocti, qui erat gloria Dominus, & omnia in sua potestate habens inclinare fecit cœlos, & descendit, acceptaque serui forma seipsum exinanivit, vt ouis amissio suo gregi restitueretur. Vnde, frater in Christo, dilectionem tuam his literis admonemus, vt hanc rem diligenter cures. Nam vna sola est ecclesia, & vna sola sanctificationis arca, in

Locus cor-
uptus.

quam vnumquemque fidelium e diluio seruari oportet : & circa vunionem eius modis omnibus labores : tuaque cogitet prudentia , vt ecclesia Dei non possit diuisa confistere , vt omnem animam viuentem e præsentis diluuii procellis intra vnam arcam ecclesiæ congregari oporteat ad beatum Petrum omnium fidelium gubernatorem .

Traditum est quonam modo sancti patres , diuino Spíitu illuminati , omnium ecclesiarum primatum sacrosanctam Romanam ecclesiam absolute obtinere iusserint , & ad eius sententiam omnium iudicium referri præscripserint ; & ad tollendam de medio diuisionem , ad vunionem ecclesiæ , ad coniunctionem diuisi parietis , propter Dei dilectionem , propter animæ salutem , & propter fruitionem gloriae , quæ non marcescit , vigilanter aduertere . Primum apud te ipsum , deinde in aliis , quatenus diuina gratia largitur ; da operam , vt grec cum ecclesia vniatur , & qui seipso dominicas oues confitentur , ad gregem beati Petri reuertantur , qui Domini iussu eorum curam suscepit . Nos quidem in hoc non temporariam laudem spebamus , non prætereuntem gloriam querimus , qui pascendi suscepimus officium (seruos nos omnium Dei seruorum confitemur) sed cum Dominum & magistrum nostrum , vt vnum mortuum resuscitaret in corpore , profectum fuisse , & lacrymatum legimus ad sepulcrum , & dixisse , *Lazare , exi Ioan. 11. foras , iudicamus indignum , si Domini retineamus talentum , & quos possumus in anima resuscitare negligamus . Quod supereft , dilectos filios nostros Balduinum & Balditzioninum præsentes tabellarios ad dilectissimum filium nostrum Emmanuelem imperatorem Constantinopolitanum , a religioso cœtu missos , dilectioni tuæ studiose commendamus : rogantes vt per dilectionem Dei , beatique Petri , & sedis apostolicæ , & pietatis cultum , aspectu gratiose in eorum necessitatibus consolationem adhibeas . De tua valetudine cupimus per literas fieri certiores .*